

مجموعه ابو الضرب

ماسوا شایه سندن دلی تطهیرہ چالش

پرتو حکمت و عرفان الہ تنویرہ آتش

هر ماه عربی ابتدایه اون بشده نشر اولور قون مجموعه سیدر

جزو ۴۰ [فی ۱۵ صفر سنہ ۱۳۰۲] نسخہ سی ۳ فروش

وولترک قونتس دو باری یه مکتوبی

(اون بشنجی لوئی زماننده فرانسه خارجیه ناظری و وولترک یکانه حامیسی بولان دوق دوشوازلک قونتس دو بارینک تسویلاتیه موقع اقتداردن سقوطی و منفیاً چفتلکنه چکیلسمی اوزرینه یازمشدرکه مومی الیهک ماهیت اخلاقه ترجان اولدینی ایچون درج اولندی .)

قونتس حضرتلری !

بولندیغم کوشه ازوایه قدر واصل اولان روایات و شایعادتین دوق دوشوازلک موقع اقتداردن سقوطی و ذات علیالرینک مظفریتی اوکرندم . بوخبربنده گری اصلاً اعجاب ایتدی . چونکه لطافت و ملاحه هیچ بوقت مقاومت ممکن اوله میه جغنی دائماً معتقدم . لکن نه یالان سویلیم . بو مظفرینکزدن طولانی کنیدی مسعود و یا شایان تعزیت عد ایتکده متردد و متخیرم . موسیو دوشوازل حق عاجزانه مده فوق الغایه خیرخواه بر ذات ایدی . بتمک توکنمک بیلان دشمنلیمه قارشی بنده گری دائماً مدافعه ایدن یالکزاو ذات عالی ایدی . مشار الیهدن دائماً مظهر اوله کلدیکم حمایه بنده پروری به ذات عالیلری طرفدن دخی نائل اوله بیلکی امید ایده بیلیریم ؟

مارس [ه] نام الیهک مدت غیوبتده [یالاسه] مراجعت و التجا ایتکلکم بر امر طیبیدر .

عجبا کنیدیسه خارق العاده بر حرارت قلب ایله پرستش ایدن کیسه بی تحت حمایه سنه قبولدن استکاف ایدرمی ؟

مادام ! صداقت و عبودیتی خاکبای عالیترینه عرض و تقدیم ایتکلکه دریغ مساعده بیورمیک ؟

[*] مارس اساطیر یونانیه دن حرب الهی ایدی که بونکله دوق دوشوازلی و یالاس شعر و انشا و صنایع بدیعه الهیسی ایدی که بونکله ده مرسل الیهایی مراد ایتشد .

ذات علیا گره اولان محبت و اخلاصک درجه سنی بیان ایدم .
چونکه بعض شیرده اساتمہ حکم اولنور ایدی . لکن بوندن صگره صداقده
ثابتقدم اوله جغی وعد ایدرم . بنم سنده ثباته قرار لازمدر . اعتماد
بیورککه سزدن بشقه هیچ برشله اشتغال ایتیمور .

آلب طاغلرندہ برعکس صدا یوقدرکه نام لطافت اتسامگری تکرار
ایتمکی آکا تعلیم ایتماش بولنه یم .

بندہ گز

وولتر .

مادام دوبارینک بالاده کی مکتوبه جوابی

افندم

مکتوبگری مطالعه ایدرکن دوق دوشو وازلک انفصانه جدأ متأسف
اولدم . اعتماد بیورگرکه بو انفصاله بالذات کنیدیسله منسوبانی سبب اولشلردر .
دوستلرگزک فلاکتدن طولایی ابراز بیوردیغکز تأسفلر طوغریسی مالک
اولدیغکز علو جناب ایله متأسبدر . فقط ذات عالیگری سون وذا گره نظر
حیرتله باقان یالکز اسکی دوستلرگز اولدیغنه اعتماد بیورملیسکز . سزی حمایه
ایتمک برشرفدرکه انسان آتی بشقه سنده کوره جک اولسه همه حال حسد ایدر .
بن هر نه قدر بالاس دکلسه مده ینه هر درلو نفوذمله ذات عالیگره خدمت
ایتمکی کندم ایچون بیوک برشرف عد ایلدم . بکا بیان ایتدیگکز محبت
و تأمین بیوردیغکز صداقت و اخلاصدن طولایی تشکر ایدرم . اسمی آلب
طاغلرینک عکس صدالرینه تکرار ایتدیرمه گز بنم ایچون پک بیوک برشرفدر .
اعتماد بیورگرکه اسم عالیگر دخی (وهرسای) دائره لرنده کثرتله تذکار
اولنقده در .